

**Broj: 01-11-11-06834-2/2025**  
**Sarajevo, 15.12.2025. godine**

Na osnovu čl. 8. i 70. st. (1), (3) i (6) Zakona o javnim nabavkama Bosne i Hercegovine („*Službeni glasnik BiH*“, br. 39/14, 59/22 i 50/24), te odredbi Pravilnika o postupku dodjele ugovora o uslugama iz Aneksa II. Zakona o javnim nabavkama („*Službeni glasnik BiH*“, broj 2/23) nakon razmatranja Preporuke Komisije za javne nabavke broj 01-11-11-06834-1/2025 od 8.12.2025. godine, direktorica Federalne uprave za inspeksijske poslove, u ime ugovornog organa donosi,

## **O D L U K U**

### **o dodjeli ugovora - nabavka poštanskih usluga**

#### **Član 1.**

Prihvata se preporuka Komisije za javnu nabavku broj 01-11-11-06834-1/2025 od 8.12.2025. godine, te se nakon provedenog postupka u skladu sa odredbama Pravilnika o postupku dodjele ugovora o uslugama iz Aneksa II. Zakona o javnim nabavkama ugovor o javnoj nabavci poštanskih usluga dodjeljuje ponuđaču JP BH Pošta d.o.o. Sarajevo, čija ponuda broj 25278/25 od 6.11.2025. godine je ocijenjena prihvatljivom.

#### **Član 2.**

Ugovor sa ponuđačem JP BH Pošta d.o.o. Sarajevo, zaključit će se pod slijedećim uslovima:

- ukupna cijena ponude za poštanske usluge definisane obrascem za cijenu ponude javnog poziva za dostavu ponuda iznosi 178,30 KM;
- rok plaćanja je 30 dana od dana dostavljanja uredne i prihvaćene fakture na protokol ugovornog organa u skladu sa budžetskim načinom plaćanja;
- ugovor će se zaključiti na period od 12 mjeseci, počev od dana obostranog potpisivanja ugovora;
- plaćanje će se vršiti na osnovu jediničnih cijena iz prihvaćene ponude i važećim cjenovnikom usluga ponuđača, u skladu sa stvarno izvršenom uslugom, do utroška sredstava obezbjeđenih za konkretne usluga, a najduže 12 mjeseci računajući od dana zaključenja ugovora;

#### **Član 3.**

Ova odluka će se objaviti na web stranici Federalne uprave za inspeksijske poslove.

## **O b r a z l o ž e n j e**

Nabavka poštanskih usluga predviđena je Planom nabavki Uprave za 2025. godinu – usluge redni broj 29., procijenjena vrijednost nabavke je 50.000,00 KM, JRJN 64110000-0. Postupak nabavke se provodi u skladu sa odredbama Zakona o javnim nabavkama BiH i Pravilnika o postupku dodjele ugovora iz Aneksa II Zakona o javnim nabavkama.

Odlukom direktorice Uprave broj 01-11-11-06834/2025 od 28.10.2025. godine je pokrenut postupak javne nabavke, a obavještenje o nabavci usluge broj 1292-9-2-2-22-33/25 je objavljeno na Portalu javnih nabavki dana 30.10.2025. godine.

Javnim pozivom za dostavu ponuda za nabavku poštanskih usluga je predviđeno da zainteresovani ponuđači svoje ponude mogu dostaviti do 1.12.2025. godine do 12,00 sati. Isto tako Javnim pozivom je predviđeno da se usluge koje su predmet nabavke nabavljaju od više dobavljača.

Komisija za javne nabavke je dana 8.12.2025. godine pristupila otvaranju blagovremeno pristiglih ponuda, te je tom prilikom konstatovala da je u roku ostavljenom Javnim pozivom dostavljena jedna ponuda, i to ona koju je dostavio ponuđač JP BH Pošta d.o.o. Sarajevo. Ponuda je zaprimljena dana 11.11.2025. godine.

Izvršenim uvidom u ponudu JP BH Pošta d.o.o. Sarajevo broj 25278/25 od 6.11.2025.godine, Komisija je utvrdila da je ponuđač dostavio kompletnu dokumenaciju u formi koja je zahtjevana Javnim pozivom. Ukupna cijena ponude za usluge koje su specificirane u obrascu za cijenu ponude iznosi 178,30 KM.

Obzirom na naprijed navedeno, Komisija je zaključila da je ponuda ponuđača JP BH Pošta d.o.o. Sarajevo broj 25278/25 prihvatljiva, te je direktorici Federalne uprave za inspekcijske poslove dostavila preporuku broj 01-11-11-06834-1/2025 od 8.12.2025. godine, kojom je predloženo da u ime ugovornog organa donese odluku kojom će ugovor dodijeliti navedenom ponuđaču.

Prilikom razmatranja dostavljene preporuke direktorica Federalne uprave za inspekcijske poslove nije našla razloge, nepravilnosti niti propuste u radu koji bi eventualno predstavljali osnov za neprihvatanje preporuke Komisije, te je odlučila kao u dispozitivu.

**Pouka o pravnom lijeku:** Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.



Dostaviti:

18-12-2025

OTP

1. „JP BH POŠTA“ d.o.o. Sarajevo, Obala Kulina bana 8, 71000 Sarajevo;
2. Sektor za materijalno-finansijske poslove;
3. Sektor za tehničku podršku i plansko-analitičke poslove;
4. Komsija za javne nabavke (a/a).